



## Institut za razvoj mladih KULT

Sjedište:  
Banjska ul. 2  
71210 Ilidža  
Bosna i Hercegovina

Centralni ured Sarajevo:  
Ul. 4. viteške brigade 34-36  
71210 Ilidža

T: +387 33 778 778  
F: +387 33 778 779  
kult@mladi.org  
www.mladi.org  
ID: 4201232650001  
PDV: 201232650001



Vaša oznaka:  
Naša oznaka: 14.09.0-N2.1-51  
Direktni e-mail: mirela.ajanovic@kultbih.org  
Direktni telefon: +387 33 778 762

U Ilidži, 4.3.2015. g.

Institut za razvoj mladih KULT raspisuje

## **JAVNI POZIV** **za odabir omladinskih centara/organizacija kao regionalnih informacijsko-komunikacijskih HUB-ova za mlade**

### Pozadina poziva:

Upućenost u načine korištenja najnovijih informacijskih i komunikacijskih tehnologija, kritički pristup i procjena sadržaja takvih tehnologija ključni su za aktivno sudjelovanje mladih. Više od 90% mladih u BiH nikad nisu koristili internet za sudjelovanje u političkim raspravama, niti za izražavanje vlastitih političkih stavova.

Želeći educirati mlade kako na što konkretniji način učestvovati u političkom i društvenom životu svoje lokalne zajednice, Institut pokreće *online* obuku mladih lidera i liderica. Kroz online edukaciju treba osnažiti mlade kako bi postali aktivisti/ce u svojim zajednicama ili šire, a koji će zatim svoje pozitivno iskustvo moći prenositi na svoje vršnjake/inje u aktivnom učešću kreiranja politike prema mladima, te pozitivnog okruženja za život mladih općenito.

U svrhu dostupnosti online edukacije što većem broju mladih osoba i budućim omladinskim aktivistima/cama Institut za razvoj mladih KULT želi opremiti četiri omladinska centra/organizacije informacijsko-komunikacijskom opremom (engl. Information and Communications Technologies, ICT) putem koje će mladima biti omogućen pristup online edukaciji mladih lidera koju organizira *Institut*.

Svi mladi koji žele proći online edukaciju o tome kako postati omladinski lider i aktivista mogu to uraditi pohađajući online obuku u informacijsko-komunikacijskim centrima (engl. ICT HUBs), ako već nisu u mogućnosti pohađati obuku od kuće zbog nedostatka tehničke infrastrukture (kompjuteri i internetska konekcija).

### Predmet poziva:

Institut ovim putem poziva sve omladinske centre / organizacije u BiH da se prijave na javni poziv za dodjelu četiri granta, koji podrazumijevaju opremanje dijela prostorija četiri omladinska centra/organizacije sa informacijsko-komunikacijskom tehnologijom (ICT), a koja će biti korištena u svrhu online edukacije omladinskih lidera/ica.

### Obaveze odabranih omladinskih centara/organizacija nakon potpisivanja ugovora jesu:

- na raspolaganju ima prostorije za rad i provođenje aktivnosti, za koje ne moraju izdvajati sredstva za najam.
- osigurana internetska konekcija u toku radnog vremena centra i/ili vremena u kojemu je centar dostupan mladima.
- osigurana infrastruktura u unutrašnjosti kao i prilaz omladinskom centru/organizaciji.
- Među svojim aktivistima i/ili uposlenicima centra postoje osobe koje mogu pružiti informatičko-tehničku podršku za ICT HUB, održavati tehničku opremu potrebnu za realizaciju online edukacije omladinskih lidera, te koje mogu animirati mlade ljude u svojoj regiji da prođu online obuku.
- Imaju adekvatno obučeno osoblje koje može upravljati informacijsko-komunikacijskim centrom i biti na raspolaganju najmanje 16 sati sedmično, te koje može organizirati i provesti jedan događaj sa 100 učesnika/ca.
- spremnost potpisati ugovor o dodjeli granta s Institutom za razvoj mladih KULT na period do 31. 11. 2016. godine.



**Obaveze Instituta nakon potpisivanja ugovora:**

- dodjela opreme (dva kompjutera za informacijsko-komunikacijski centar)
- dodjela uredskog namještaja za informacijsko-komunikacijski centar (sto i stolice);
- izrada i postavljanje obavještajne table na ulazu u centar o lokaciji informacijsko-komunikacijska centra u prostorijama omladinskog centra/organizacije;
- osnovna adaptacija prostorije centra/organizacije u kojoj će biti smješten informacijsko-komunikacijski centar u iznosu do 600,00KM;
- naknada za godišnje održavanje prostorija u kojima će biti smješten ICT HUB (naknada za 12 mjeseci u iznosu od 300,00 KM). Prihvatljivi troškovi održavanja su troškovi režija i higijene, održavanje kompjuterske opreme informacijsko-komunikacijskog centra;
- održavanje online servera s obukom;
- podrška centru/organizaciji u promociji online obuke

Institut će izabrati četiri centra/organizacije, koji će biti opremljeni informacijsko-komunikacijskom opremom (ICT) i time osposobiti četiri regionalna informacijsko-komunikacijska centra, koji će omogućiti mladima online edukaciju.

**Period trajanja ugovora:**

Centri/organizacije s kojima Institut potpiše ugovor dužni su omogućiti pristup i korištenje opreme u svrhu edukacije omladinskih lidera/ica u periodu od potpisa ugovora do najmanje 31. 11. 2016. godine. Po isteku navedenog perioda oprema može ostati u vlasništvu omladinskih centara/organizacija, u skladu s ugovorom.

**Kriteriji za prijavu:**

1. Pravo učešća imaju svi omladinski centri/organizacije i organizacije za mlade koje zagovaraju unaprjeđenje položaja mladih.
2. Centar ili organizacija mora biti registrirano udruženje na području Bosne i Hercegovine, koje u fokusu svog statutarnog djelovanja ima mlade ljude.
3. U okviru svojih aktivnosti centar/organizacija realizira različite aktivnosti usmjerene na mlade.
4. Centar/organizacija ima na raspolaganju prostorije za rad i provođenje aktivnosti, za koje ne mora izdvajati sredstva za najam.
5. Osigurana internetska konekcija u toku radnog vremena centra i/ili vremena u kojemu je centar dostupan mladima.
6. Osigurana infrastruktura u unutrašnjosti kao i prilaz centru za mlade/omladinskom centru ili udruženju za mlade.
7. Među svojim aktivistima i/ili uposlenicima centra postoje osobe koje mogu pružiti informatičko-tehničku podršku za ICT HUB i održavati tehničku opremu potrebnu za realizaciju online edukacije omladinskih lidera, te koje mogu animirati mlade ljude u svojoj regiji da prođu online obuku..
8. Imaju adekvatno obučeno osoblje koje može upravljati informacijsko-komunikacijskim centrom i održavati ga, te koje može organizirati i provesti jedan događaj sa 100 učesnika/ca.
9. Centar/organizacija je spremna potpisati ugovor o dodjeli granta s Institutom za razvoj mladih KULT na period do 31. 11. 2016. godine.

**Prijava na poziv treba sadržavati sljedeće:**

- Popunjen aplikacijski obrazac (nalazi se na webstranici: [http://www.mladi.org/index.php?option=com\\_content&view=article&id=2165&Itemid=529&lang=ba](http://www.mladi.org/index.php?option=com_content&view=article&id=2165&Itemid=529&lang=ba));
- rješenje o registraciji udruženja (skeniran dokument);<sup>1</sup>
- uvjerenje o poreznoj registraciji sa ID brojem (skeniran dokument);<sup>2</sup>
- dokaz/odluka o ustupanju bez naknade prostorija za potrebe omladinskog centra/centra za mlade ili udruženja;<sup>3</sup>
- bilans stanja i bilans uspjeha za 2014. godinu;
- fotografije ili video centra te fotografije dijela u kojem bi bio smješten ICT HUB;
- dokaz o postojanju internetske konekcije (račun ili ugovor sa pružaocem usluga);
- CV/rezime centra/organizacije sa vizijom, misijom, ciljevima i prethodno ostvarenim rezultatima te realiziranim prošlim i tekućim aktivnostima centra/organizacije;
- najmanje dvije reference ranijih donatora koje se odnose na prethodne aktivnosti udruženja, a koje Institut može kontaktirati u svrhu provjere navedenih informacija o centru/organizaciji tokom procesa odabira.

Podnosilac prijave može dostaviti i dodatnu dokumentaciju za koju smatra da može biti značajna prilikom bodovanja svih pristiglih prijava.

<sup>1</sup> Skenirana kopija navedenog dokumenta ne mora biti ovjerena kod nadležnih organa.

<sup>2</sup> Skenirana kopija navedenog dokumenta ne mora biti ovjerena kod nadležnih organa.

<sup>3</sup> Skenirana kopija navedenog dokumenta ne mora biti ovjerena kod nadležnih organa.



**Rok za prijavu:**

Poziv ostaje otvoren do **20.3.2015. do 17.00 sati**.

Podnosioci prijave će najkasnije 10 dana od dana zatvaranja javnog poziva putem e-maila biti obaviješteni o ishodu javnog poziva.

Nepotpune i nepravovremeno pristigle prijave neće biti uzete u razmatranje.

Sve informacije o Institutu za razvoj mladih KULT mogu se naći na [www.mladi.org](http://www.mladi.org).

**Prijave dostaviti:**

- isključivo e-mailom na adresu: [aziz.dipa@kultbih.org](mailto:aziz.dipa@kultbih.org)

- ✓ Kompletna aplikacijska dokumentacija se treba nalaziti u jednom e-mailu ili više njih (ako su prilozi veliki) sa sljedećim predmetom:
  - 14.09.0, *Prijava na Javni poziv za odabir ICT HUB-ova*

Ukoliko se dokumentacija šalje u više e-mailova, potrebno je naznačiti u predmetu redni broj e-maila.

**Dodatne informacije:**

Eventualna pitanja, pojašnjenja i dodatne informacije mogu se postaviti i dobiti isključivo putem e-mail adrese [aziz.dipa@kultbih.org](mailto:aziz.dipa@kultbih.org) ili na broj telefona 033 778 762 na ime: Aziz Đipa.

Podnosioci prijave će u roku od 24 sata od prijema e-maila dobiti povratnu informaciju o tome da je njihova prijava zaprimljena. Ukoliko je podnosilac poslao više od jednog e-maila, za svaki pristigli e-mail će biti poslana povratna informacija zasebno.

U slučaju nedovoljnog broja pristiglih ili zadovoljavajućih aplikacija Institut zadržava pravo da ne dodijeli sva raspoloživa sredstva.